

潛江縣志卷之四

知縣事劉煥纂修

知縣事史致謨續纂

建置志

井	舖舍	城郭	縣治	公署	官宇	倉廩
			驛司	關廂	街衢	坊表
			橋梁	津渡	市鎮	兵防

先王經理天下分疆畫邑崇墉濬隍以固封域城郭建  
 四民有攸居矣經制詳於職司縣治者職司之守也飾  
 以堂室亭樓錯以公廨驛司邑之觀瞻繫焉倉廩以贍  
 積貯郵舍以達禁令重門擊柝利涉致遠郊關橋渡次

潛江縣志

卷之四

建置志

一

第畢具列坊井於交衢環市鎮於境內兵防以除戎器  
 而戒不虞規制靡不盡善矣潛自建邑以來成蹟尙在  
 比者繕之奠者因之變遷者謀諸眾而肇造之經營修  
 舉詎一手一足之爲烈哉古不可稽則闕焉廢而未久  
 雖久而遺址可尋者備錄以俟創興之君子作建置志  
 城郭

潛江舊爲土城高一丈五尺袤四百餘丈名田舍城東

臨河此遷縣築城之始

明成化七年大水城壞縣丞李鏞修築



嘉靖二十三年分巡僉事柯喬檄修四門東漢濱西郭

郊南迎薰北望洋此城門之始

尙書湛若水新修城門記 嘉靖十九年皇帝詔可

撫臣之議以潛江隸承天府承天陵寢重地其以承

德二府立分巡道於沔陽以爲捍衛時青陽柯雙華

君喬由御史來爲憲僉膺是任出按於潛環視形勝

喟然而歎顧謂潛尹黃子學準曰斯地實邊於江而

通於荆以爲捍衛可以無城郭乎曰不可曰城可以

無門乎曰不可重門擊柝以禦暴客蓋著諸易無城

潛江縣志 卷之四 建置志 城郭 二

是無人民也無門是無城矣無城無門曷禦焉有門

斯有城矣成門所以成城池也於是作四城門雙華

君素定區畫計丈尺揣高低議財用措餼糧不傷公

帑不勞民財於是四門先後告成民若不知有興作

官若不知有鞭撻念三年六月朔迄工君子曰使公

治天下以事治事行乎無事而天下治亦如此矣於

是棖棟連雲丹青麗日縣治百餘年來公有依附民

有寧宇眾皆懽喜昔者形勝斯何今者形勝斯何其

東曰漢濱之門漢水支流經縣東而入沔也西曰郢



郊之門承天爲郢縣西護之言郢之郊也南曰迎薰之門以祈阜財解愠以爲民悅也北曰望洋之門排沙河北環如帶蒙泉道岸凡以作士也雙華子曰門成卽城成可以責成豐年矣君子曰此門猶形勢之在外者耳聖人之政治亦有四門焉聞之乎曰請聞焉書曰闢四門夫四門闢然後可以去耳目之壅蔽壅蔽不除則聰明不廣俛乎何之雖有形勝不能自治聞者喜曰然吾言城門得政事之門敬聞命矣曰此猶四門之事者耳惟心亦有四門焉聞之乎曰請

潛江縣志

卷之四

建置志  
城郭

三

聞焉曰惻隱之心之端仁之門也羞惡之心之端義之門也是故四端不擴則四德不達四塞如園雖欲發政施仁無本不生聞者喜曰吾聞政事之門又得心術之門敬聞命矣甘泉子曰形勢不如政事政事不如心術在乎學聞大道夫雙華子者志聖人之道遊於陽明甘泉之門聞天理良知之學者也潛尹黃子政暇之所講聞必將以宇宙爲家以天地爲城郭以四方爲門戶當不疑於吾之言矣因爲記以歸之書諸石告東西南北之人云



嘉靖三十年知縣夏泗增築舍城西南北三隅高固勝前輪八百餘丈覆以瓦

教諭涂堅夏侯築城記 王者建邦以分治維邑焉設險以禦暴維城焉邑有城則民有所藉而安社有所依而固百制有所附麗而飭也古語以盛而釋城之義其所盛者豈外於民社與百制也哉我承天迺聖天子嚴奉宮寢之地故諸下邑藉以拱衛于外若潛江則又當承天之南上通神京下通江浙諸省誠一方之都會四達之夷庚也舊以苟簡相沿未有爲

潛江縣志

卷之四

建置志  
城郭

四

城池之謀者四隅各設垣門一座旁無蔽目之牖且邑之後遂聯荒墟間有寇盜則索索而震矍矍而視莫克支焉侯來牧于潛甚病之蚤欲爲之經略以學宮頽廢鄉士大夫請新之亟侯則致力於是不欲二工並興爲民病乃遲之明年相地之宜量民之力周邑而環之是役也費不出于公帑力不勞于居民唯于營力于市者限其功以程之卒而好義之民鄉士大夫之家相率而趨事矣自經始以抵畢工不逾月而告成不獨爲民社百制之盛而且爲帝鄉之重



門天府之外牖也嗣是而旱澇頻年盜賊紛作城之內遂無震驚之患誰則遺之民於是大侯之功而德侯之深也侯初志蓋欲甃以甃石高以數仞爲永久計其始也以建學而禡其力其終也以改沔而禡其時竟孤所期使復假之暮年可以適觀厥成奈時勢之艱竟以沮之也民以泯其功爲懼僉謀伐石以紀之適少屏楊公署邑事樂成厥美且于侯之遺制坳者新頽者振未備者補雖作興士民固其夙志而亦有功于侯居多也因請記于予予謂潛之城自有邑

以來未築也而侯築之功誠偉矣其所以係民去後之思若赤子之於慈母無以解于其心匪直一城也弗縱而惠流用誠而刑省愜禮而用節侯嘗城民以仁矣端習以散訛張威以斂暴剋惡以康良侯嘗城民以義矣工役省厥勞征輸省厥億約與省厥欺侯嘗城民以忠信矣之三者存民已有以維其心若金湯之固故康我之功重有感于城之成也不然則築城鑿池在有官者爲常務而何以繫民之思若是哉雖然侯之德政固足以繫民之思而潛之風俗亦於



是而可占也夫頌人之美紀人之功必其人有顯爵  
與子孫之貴盛者而始爲之侯雖工於爲民而不工  
於自爲少忤于時尋已恬退而高尚之志確乎不可  
拔矣是舉也實無所爲而爲之也侯之功固于是而  
益彰風俗之厚與楊公樂善之公不亦具見也哉侯  
諱泗別號月池蜀之大足人

萬曆五年知縣朱熙洽新甃城周圍九百二十八丈  
高一丈七尺厚一丈五尺增建城樓五東曰襄渚東

闈西曰潛陽西郭南曰漢別南關北曰沱圻北鑰西

潛江縣志

卷之四

建置志  
城郭

六

北曰萬象歸辰

卽鎮縣樓

水門二曰百川環注

卽朝宗門

曰三

楚周行

卽通會門

巡堡十有四洩水石剝三

一在城隍廟南一在南門

右一在通會門右

畫邑以來雉堞自是稱壯矣

此甃城之始

知縣朱熙洽修城記

余始謁選得潛潛有宦京師

者謂余曰潛政無他二事急耳曰築城曰清田余駭  
曰此非易事也豈一令可辦乎抑豈一令可竟乎旣  
而至潛則築城之議頗亟而城之具無一有也不得  
已而徵諸糧民曰糧故多虛數卽正供且不給矧額  
外之徵耶余因是而究其原糧之不實由田之不清



也田清則糧無贖糧無贖則人不逃迺可驅而役耳  
余是以決清田之議說者曰二役並舉可乎余曰清  
田所以築城也彼以爲謬而余持之益堅履闔境之  
籍勾校其畝而又覈出逃絕戶田昔爲里排隱占者  
民爭願出直于官以世其土而因以民之直購城之  
需鳩木石糞甄甓蓋經略者一年而城之用裕如也  
已迺率其民以事畚築閱四月而工始竣樓櫓雉堞  
翼然可觀而門柝啟閉足備暴客潛至是始有保障  
之固而議者亦始信二事之果合而爲一也城成矣

潛江縣志

卷之四

建置志  
城郭

七

尙有美金復請于當道以抵宿逋以充內帑藩祿之  
用此一舉也吾民有三利焉而彼謂余有所私于內  
者則出入之籍在天地之監明也

萬曆五年知縣朱熙洽置乾河口石剝洩環城之水七  
年置朱家灣木剝洩巴家套鄭浦十三坑之水二十  
八年知縣潘之祥重修長闊倍之

嘉靖六年知縣蕭廷達築石磯以固縣治

卽百二雄關  
地俗名中磯

頭

萬曆二十六年知縣曹珩於北關水府廟石磯上流增



築石磯俗名上磯頭

萬曆二十八年知縣潘之祥自水府廟下至乾河口計一百二十五丈築石磯俗名下磯頭

舊志曰吾邑水徙無常今日之勢西高而東下數年後危在邑治矣

國朝康熙十一年水決班灣湍激迅駛三石磯悉沈於河蕩洗北城城樓圯知縣王又旦重築輒城名其門曰楚服奧區後連歲巨浸自朝宗門東至通會門盡崩頽復移築城於縣市之中起妙庭觀前至東南隅

潛江縣志

卷之四

建置志城郭

八

東闔通會仍舊名原城僅存甕門兩土阜而已康熙三十二年劉侯煥議設排障於北關朝宗通會三處分殺水勢於妙庭觀址且築長隄繞城東以禦泛溢縣治庶無衝嚙之患矣

按城郭營建爲政之所先務記曰有其舉之莫敢廢也易曰悅以先民民忘其勞夫事至於不能廢然後知其不得不舉不舉則終廢矣勞民而民悅然後知其不得不使不使則永勞矣吾潛城郭與河伯爭此土歷今三十餘載苟弗急爲補救乃猥云時誦舉盈



勿勞民以傷財而一切憚不敢行沓沓之害其能免乎

縣治

縣治在城北負郭嚮明中為正堂堂前為捲廳為露臺

堂後為穿屋

舊題曰集思堂康熙八年知縣王又旦題曰風垂雲抗

又後為習

蓼堂

知縣王又旦題

後為宅門門內為仕學堂為縣解寢室

左右廂小房及包籩之所後為樓

正堂東為庫又東為幕廳

廢久康熙三十二年劉侯煥重

建又東北為縣丞衙

廢久西為版冊房

廢久又西為主簿

潛江縣志

卷之四

建置志

九

衙

露臺東西序為吏廊東首承發房次吏戶禮房西首兵

次刑工房

廢久

康熙三十二年劉侯煥重建

兩班房

在捲廳前東民壯房西阜隸房

堂南甬道中為戒石亭至正十年中興路潛江縣達魯

花赤兼勸農事明安達耳立石銘曰爾俸爾祿民膏

民脂下民易虐上天難欺洪武初知縣史純一修萬

曆二十八年知縣潘之祥建亭

戒石亭之南為儀門門內西南為獄室門外東南為土



地祠又東南爲典史衙

迎賓館

在儀門外東南館宇三楹題曰廣益堂萬曆

六年知縣朱熙洽建康熙三十二年劉侯煥重修

官箴石

在廣益堂萬曆十八年知縣曹珩立箴曰行

朝廷之公法不行左右之私情畏君子之清議不畏  
小人之橫謗恤良善之冤抑不恤豪強之怨恨懼鬼  
神之檢察不懼刁器之汙玷求百姓之利益不求一  
己之便安積無窮之陰德不積有限之凡財論人品  
之高下不論官爵之崇卑爲上古之循良不爲今時

潛江縣志

卷之四

建置志  
城郭

十

之俗吏

直南爲大門舊於門前六十步爲譙樓正統二年知縣

陳敏政建隆慶元年知縣黎一龍徙改爲今大門

大門正南爲古沱潛坊前正中立奉

聖旨碑大書錢糧官徵官解夫馬官當官養左立奉

憲永革里排文案碑右立 憲示碑大書永革里長

排年花戶自封投櫃俱康熙二十四年闔邑紳士耆

庶公建

申明亭洪武元年詔建凡民作奸犯科者書罪揭亭以



寓懲惡舊在譙樓前六十步左嘉靖間知縣夏泗改立今大門左

旌善亭洪武元年詔建凡民孝子順孫義夫節婦書實行揭於亭以寓勸善舊在譙樓前六十步右夏侯改

立大門右

舊制旌善高申明二尺

按縣治自明洪武元年知縣史純一創立天順五年知縣呂文成化六年知縣汪志十七年知縣胡璘弘治十二年知縣史華嘉靖間知縣敖鉞周延蕭廷達俱重修隆慶四年知縣梁棟增建邑都御史張師載

潛江縣志

卷之四

建置志縣治

十一

有記

張師載重修縣署記

國朝自公卿以下至抱關委

吏凡受一命之職者莫不有居處以爲聽治之所若因時修葺則存乎其人焉彼黷貨者假公以濟其私無足論已矯情之士欲收安靜之功以無所興作爲賢或所居不能蔽風雨甚至葦覆木支猶泄泄然安之不以爲意吁亦過矣吾潛初設於豆子湖至正癸巳徙置今治諸凡草率國初知縣史純一始事創造未備也成化十七年濟陽胡璘以御史改調乃成史



公之志備其所未備弘治十二年渭南史華復增飾之於是廳堂廨宇儀門譙樓森然列具矣至嘉靖初高安敖鉞吉水周延潮陽蕭廷達先後繼治各有修葺易故更新雖有定觀而因陋就簡未底於固迄今五十餘年矣卽非葦覆木支之舊而剝蝕相仍亦其勢然也隆慶三年銅梁培東梁公棟蒞任之日顧瞻室宇喟然歎曰敝陋如此何以出政令而示下觀耶亟圖新之因沙洋夜汊二水交衝爲患民不安居復歎曰民且不能庇奚自庇爲基年隄工漸舉荒者闢

逃者歸政平訟理四境晏然遂捐俸金相居之朽者易之缺者增之修儀門三間廳前增簷房三間幕廳三間庫房一間右冊房三間穿堂一間後廳五間衙正廳三間週圍俱以甃封地之卑者高之廳三尺五寸露臺一尺五寸儀門二尺穿堂五尺甬路自譙樓至儀門寬二丈儀門至露臺寬一丈高二尺左右寬損三之二高半之兩墀皆以甃砌經始于四年六月二十四日訖工于五年十月二十日向之湫隘者今爽塏矣向之傾頽者今巍峩矣向之滲漏者今翼比



而鱗次矣工成梁君謂不可無記伐石於堂徵予文于上予謂君子之居官譬人之居室門戶弗戒堂奧弗飾未可謂幹蠱之子居官者若視爲傳舍而漫不經心尚得爲賢令乎吾潛二百年來志於修舉者僅數人其以賢稱者亦惟數公焉所謂有其舉之莫或廢之殆政理之當然也

### 治內亭堂

解後舊有覽秀亭成化三年知縣呂文建又有東門草亭呂文建又冰玉亭知縣胡璘建俱廢

潛江縣志

卷之四

建置志  
縣治

三

越勤軒 在仕學堂左一曰水心亭一曰泠然亭順治十一年知縣柯賡昌建

得樹草堂 在縣解東榆柳數株清蔭層垣皆百年物舊棄廢圃中康熙九年知縣王又旦擴基鑿池種蓮移竹臨水葺館爲政暇觴詠之地題曰得樹草堂蓋取杜少陵老樹空庭得之義也侯去不踰年廢爲馬廄矣惜哉

景陵胡承諾同莫大岸飲得樹草堂詩 深村願洄叟鄰境石莊翁人遠柴車集署清羽爵同嚴更交雨



澍霜鬢暱爐紅互有鍾期賞縱言興不窮

胡承諾再飲得樹草堂留別王幼華明府詩 春深

寒未遣殘雪在城樓皎月軒徐上芳樽夜最悠不堪

紆禮數靡暇及歡游耕釣隣花縣相傍老一邱

邑人莫與先得樹草堂新成邵陽王明府秋夜招集

詩 寡營信所宜疲俗徼理靜方塘翼一邱山興乃

暇整小築示人樸植援通杜權睽焉畧汎愛豁落有

何畛吾道今華黍中寫匪虛耿大雅孔懷姿清切更

端引涼露稍欲滋漾月相與永巡檐數行疏橫亞離

潛江縣志

卷之四

建置志

內治亭堂

十四

離影野夫釋倚薄延曠百慮盡

東齋 在解樓左庭院邃敞傍植花竹康熙三十年劉

侯煥建

公署

察院司 在縣治東洪武初知縣史純一建後知縣呂

文汪志史華朱熙洽皆重修今漸頽圯

巡按御史顧豹文題解壁詩 明星照征騎嚴霜覆

廣野我行敢自逸先民矢夙夜

布政分司 在縣治南正統三年知縣陳敏政建成化



間知縣汪志胡璘史華萬曆八年知縣朱熙洽皆重修今廢

西分司 在縣治西今廢

府館 在縣治東後改爲白泐驛今廢

官宇

稅稞局 在縣治南後罷局署亦無考

陰陽學 在縣治東洪武十七年建成化六年遷城隍

廟街萬曆二十八年知縣潘之祥遷建縣左久廢康

熙三十二年劉侯煥重建於舊址在今文昌祠左

潛江縣志

卷之四

建置志  
公署

五

醫學 在縣治東洪武十七年建景泰三年府推官符

節成化六年知縣汪志弘治間知縣張昂史華俱重

修萬曆二十八年知縣潘之祥併入陰陽學內李鳴

有記文載久廢康熙三十二年劉侯煥重建在今文

昌祠右

邑人李鳴合建陰陽醫學碑記 邑明府潘公蒞政

甫五月度便興利與民休息誦者載途暇則罄輸作

之羨繕諸公署邑治東舊有陰陽醫學歲久官廢署

鞠爲囿明府廉其可者請官之合兩學創一署居焉



懼其久又益廢也屬不佞鳴爲記鳴惟昔在周官自  
馮相保章而下設祗稜中士貳以史徒醫師掌醫之  
政令凡邦之疾病疝傷者造焉兩者胥統之天官蓋  
甚重也春秋列國乃有梓慎裨竈倉公和緩諸賢循  
職叙事爛然青簡國有觀察之豫民鮮天札之凶有  
以也今令甲私習天文有禁業官矣曷私云醫則郡  
邑有學故明府茲舉也上遵朝除中一職守下弘利  
濟蓋三才之義備焉陰陽天地之紀醫者生人之命  
三才本一又明府合署意也抑余願有進焉夏政典

潛江縣志

卷之四

建置志  
官宇

六

先後時者無赦太宰歲終稽醫事以制其食十全爲  
上十失四爲下茲且官而署之矣馬知夫邑無興起  
有如梓裨倉和者出而副盛名嗣徽音者乎卽不然  
而時作歲稽當不至肆居而充浮冗已也明府自文  
章政事外博學多能必有以處此者明府諱之祥別  
號泰符徽之婺源人戊戌進士

僧會司

洪武十五年設在大佛寺內

道會司

洪武十五年設在妙庭元妙兩觀內輪僉道

會一員



養濟院 舊在縣治南大十字街右洪武初知縣史純  
一建後改遷縣西城隍廟左今廢

接官亭 在縣西北十五里策口今廢

鄉約所 在妙庭觀內舊無定處因寺觀祠宇爲之乃  
卽妙庭觀前署小木坊爲會講之地

按明初每里設一鄉約所講讀六諭仍設木鐸一人  
家喻戶曉卽周禮六鄉之法也

本朝化民成俗之道遠軼往代願

聖諭十六條至詳且盡其課吏之法尤以講諭教民爲

潛江縣志

卷之四

建置志  
官宇

十七

實政先務潛俗日趨于澆蚩蚩之氓悍然好行其非  
懼刑辟而罔所顧忌自劉侯煥來每月朔望集僚屬  
紳衿庶民會講潛邑風尚頓異矣更議於境內各村  
鎮廉舉老紳宿儒或公正耆老授以刊行

聖諭善本隨地設一約所于月之朔望率眾習儀講解  
數條疏引痛切發明律例以動其天良而生其畏敬  
率以爲常何民行之不興而風化之不登于邛隆哉

倉廩

廣儲倉 在縣治左儒學街內有驗糧官廨匾曰豐民



亭洪武元年知縣史純一建萬曆七年知縣朱熙洽  
重建分里列廩計三十六間今廢

常平倉 在縣左大十字街洪武間知縣史純一建弘  
治十四年遷建於便民西倉之右今廢

預備倉 在常平倉左正統四年知縣陳敏政建今廢  
便民南倉 成化七年縣丞李鏞建十五年主簿劉秉  
學增修後并入預備倉內今廢

便民西倉 在縣西城隍廟池左成化二十年知縣胡  
璘建今廢

潛江縣志

卷之四

建置志  
倉廩

十六

恆豐倉 康熙三十一年劉侯煥捐俸買基鳩工鼎建  
倉房凡十六間在正西街侯自為記 文載後

知縣劉煥新建恆豐倉碑記 蓋聞州縣之有倉也  
上則儲秋糧以輸 天府下則廣積貯以備荒年其

關係 國計民生者豈渺渺歟故廩人見于周官常  
平創自漢代倉廩之制古綦重之匪若堂隍臺榭僅  
足望氛禋容宴豆而已也潛江便民預備諸倉舊志  
班班可攷然而兵燹洊更陽侯疊虐有塵聞名者矣  
有僅存地者矣世遠年湮建置寢毀前之司是土者



一切徵收之糧捐輸之穀俱假貯佛宮道宇無論地勢卑下紅腐堪憂而且零藏寄儲典守難兼扇鑰弗嚴蓋藏不謹其爲雀鼠之耗者竇甚多而不可究詰余庚午蒞任諮詢洞悉卽欲新爲創建時值旱魃念此凋瘵之子曷堪土木之勞况舊址窪瀦審曲面勢僉曰非宜雖暫寢厥役而余心實鯁鯁焉慮之會辛未秋聞西城劉氏以其居出售余命工相度其基巋然隆起可以拒河伯之侵其室爽塏來風可以免蒸濕之患倉莫善于此者爰以價購之庀材鳩工塗其剝落者易其腐敗者增其闕畧而未備者厥舍凡十有六楹功竟顏曰恆豐倉是役也余未竭民絲粟勤民胼胝而

潛江縣志

卷之四

建置志  
倉廩

九

朝廷積儲之府頓成不朽之基余雖不敢以爲功而溺職之譽或者其可免夫因勒石而紀其緣起至購買之價值倉基之抵界廣袤之丈尺例并書之以杜後之侵占而紊越者是爲記

### 舖舍

舖舍洪武初知縣史純一建成化間知縣汪志史華主



簿劉秉學俱重修各舖司兵徭編共五十九名

縣前總舖 在縣治大門西永充二名徭編八名

永興舖 縣東十里永充六名徭編二名通河陽州路

北池舖 縣東二十里永充三名徭編三名通河陽州路

班家舖 縣東南三十里徭編一名通河陽州路

總口舖 縣東南四十里徭編一名通監利縣路

祝家舖 縣南十里舊在楊胥橋後移建梅家嘴徭編

三名通荊州府路

新河舖 縣南三十里徭編二名通荊州府路

潛江縣志 卷之四 建置志 舖舍 三

白湖舖 縣西南五十五里徭編二名通荊州府路

俞潭舖 縣西南七十五里永充一名徭編一名通荊州府路

陶朱舖 縣西北十里原名忠義舖改今名永充二名

徭編二名通荊門州路

七丈舖 縣西北十里徭編一名通荊門州路

王家舖 縣西北三十里徭編一名通荊門州路

白淤舖 縣西四十里徭編一名通荊門州路

三條舖 縣西五十五里徭編一名通荊門州路



車老舖 縣西六十五里徭編一名 通荆門州路

新分忠義舖 縣北十里徭編三名 通安陸府路

罐頭舖 縣北二十里徭編四名 通安陸府路

攸暨舖 縣北四十里永充一名徭編三名 通安陸府路

楊湖舖 縣北四十五里永充二名徭編二名 通安陸府路

### 驛司

白汛驛 舊署在泗港洪武初知縣史純一創成化七

年知縣汪志復創立正廳耳房鼓樓十三年水圯弘

治二年知縣張昺令驛丞郎進重修增置站船四隻

潛江縣志 卷之四 建置志 舖舍 三

夫四十名正德十四年徙建築口後廢萬曆二十一年知

縣李之珍以府館改爲驛增設官廳解禁萬曆八年

知縣朱熙洽議裁

按舊志云自白口驛而下至乾鎮驛三百餘里僅此

驛何可廢也

邑人向大觀曰舖遞公文驛司差使廝役之食養馬

匹之價料歲有常額惟往來不時事速星火夫馬輿

僮之賤操緩急之權制人生死之命民間至有一石

糧雜費可以支數十年之正賦而有餘倉卒用之郵



傳而不足此其多寡羸縮之數司命者提而較焉又能與時權宜吾儕小人庶其不跼跼同喘馬斃道上矣乎嘗考額夫之人數額馬之匹數常支工料之多寡與奉撥協濟石城郢東豐樂三驛之額項詳見全書載賦役總邑圖四至道里計之潛江西至江陵縣一百八十里東至景陵縣九十里北至本府鍾祥縣二百二十里南至沔陽州一百四十里方今駐防在荆潛爲孔道使者相屬于途民僕僕水陸遞矣馬少路遐其不困斃道上者宜幾曩令天不棄儉邑俾子子遺甿

潛江縣志

卷之四

建置志驛司

三

邀惠仁明減留協濟總核舖驛人馬支應常數請復驛站設丞董之人更番差遣馬更番騎遞皇華之使當無有滯周道者縱一歲之中馬不無瘠仆大率十去其四以今年之舊育入明年之新蕃其不足額者幾雙蹄耳卒夫輿僮之賤何至憑藉凌人鞭笞里甲苛索恤馬乎今潛民溝中瘠矣後來蘓我功德何有加茲

關廂

潛江自元時徙今治城郭未繕先立五坊區分方隅以



專守衛之任厥後規制大備坊街仍舊名

剏口坊 元時建在東城內自樊家巷口東轉至大東街抵城止西轉至大街口止南出樊家巷轉小東街抵城止北沿城至馬家街口止

介福坊 元時建在西城內十字街口東轉自大西街至南部坊止南轉至小西街至通政巷止北轉上火星街止西轉直出西城至天府廟止

仁義坊 元時建在南城內十字街口東轉至小東街南園止西轉小西街至通政巷止北轉正街至四牌

潛江縣志

卷之四

建置志

三

坊止西又轉大西街至南部坊止南轉直出城外至石橋止東又沿內城至南園止

通沔坊 元時建在北門外百二關南直由城外自朝宗門過大東門又過小東門至磁器街轉老教場至潘家剏止西入北門轉縣衙後至城隍廟止又南沿城內至朝宗門轉西察院司過儒學至沱潛坊止又南沿城過上觀過馬家街西轉至中洲書院止

朝元坊 元時建自城隍街東至惠石橋北轉至沱潛坊止南下正街至四牌坊止東又轉至忠義廟郭氏



祠止東又轉至妙庭觀止

街衢

正街 自縣治前直達南門

一字街 縣治前萬曆二十八年知縣潘之祥開左之

儒學右之城隍廟

觀街 在縣治東妙庭觀前

十字街 在正街中東為大關廟街西為火星廟街南

至南門城外直街通趙家臺往荊州北至縣前古沱

潛坊

潛江縣志

卷之四

建置志

三

東街 直達東門城外縣河

西街 直達西門城外通夜汊口往荆門當陽

前東街 直達東南通會門外至乾河口通監利沔陽

前西街 直達西南城隅

北門外街 通策口往安陸襄陽

東河街 在東城外巨南直北市肆肩摩商帆霧泊昔

有富庶之稱今盡崩沈河心東闔通會一門且不可

保城亦移築市中

坊表



觀經制科貢以下旗匾賀禮外例有坊金表厥宅里非第爲觀美也朝廷旌別之旨與閭里激勸之機寓焉近制裁減不如古亦無建坊者但表其門閭而已前代坊表存者什一耳其已廢而名存者攷舊志備錄之

儒林坊 在儒學左知縣夏泗改題尊聖崇道朱熙洽重修改題江濱式化

文昌坊 在儒學右知縣夏泗改題教育賢才朱熙洽重修改題皇國作楨

貞肅坊 在按察分司左舊曰駐驄

潛江縣志

卷之四

建置志坊表

三五

激揚坊 在按察分司右舊曰澄清

狀元坊 在儒學前爲宋狀元畢漸立知縣李之珍朱

熙洽潘之祥俱重修後燬 崇宣坊 在十字街

愛民坊 在縣左 宣化坊 在縣右

和義坊 厚生坊 科甲題名坊俱在縣前久燬

仁慈坊 福慶坊 孝義坊 俱在東河街

通津坊 敬賢坊 樂安坊 俱在西河街

進士坊二 一爲章瑛立一爲嚴賓立

恩榮坊二 一爲張本濟立一爲初杲立



登雲坊三 一為陳庸立一為周盛立一為昌安立

丹桂坊 為袁允行立 青雲坊 為周以清立

攀桂坊三 一為章瑛立一為王銘立一為初珍立

步雲坊 為周瑜立 飛黃坊 為余敬立

擢秀坊 為張海立 騰霄坊 為馮溥立

煥文坊 為嚴賓立 折桂坊 為李鑑立

乘鰲坊 為曾貫立 雄飛坊 為朱志和立

敘錦坊 為劉正立 奪魁坊 為彭倫立

冲霄坊 為范瑛立 鶚薦坊 為王禧立

潛江縣志 卷之四 建置志 坊表 三

勅贈坊 為贈御史初珍立 步武坊 為曾旭立

致政坊 為照磨鄭俊銘立

以上四十坊載成化舊志今俱廢並建坊地亦失考

四牌坊二 一在縣治南正街為贈給事中郭世朝推

官郭嵩知州郭岱給事郭嵩立 一在縣西門內為

贈郎中隗滋知府隗邦衡立今燬

褒封三代坊 在縣治前今廢 大諫議坊 在西街今廢 大中丞坊 在正街今廢

廢 督撫三關坊 在中丞門左今廢 總制三省坊 在中丞門右存 俱為

張師載立



青瑣近臣坊 在大關廟街東為郭嵩立

監察御史坊二 一為胡鑰立今廢一為劉寅立

名登天府坊西街為田大用立 孝義坊西街旌表田助立

發祥坊 為贈知縣李鑾立今廢

經元坊 為李鳴立今廢

滄海騰蛟坊 在西街為田助立 皇恩優賜坊田助墓立

世承天寵坊 在西街為袁允行袁珣袁紀袁國臣立

天台司憲坊 在大關廟街為郭之幹立今廢

世署清華坊 在西街為劉巨秀劉勳劉核立

潛江縣志 卷之四 建置志 坊表 七

累朝錫命坊 在西街為劉勳劉埏劉若金立

世受國恩坊 在東城外河街為樊王家立今沉於河

貞節坊四 一為劉堪妻胡氏立一為梁宣文妻蔣氏

立一為初薦妻李氏立一為郭鏞妻張氏立

井

古井二 一在縣市正街一在通沔街

新井 在縣治內戒石亭左知縣史華開今廢

儒學井一 大佛寺井一 西街井二 獄中井一

綠潤井 在東街歐陽宅內歐陽墀開



劉公井 在西街劉大司寇第前劉若金開

橋梁

楊胥橋 在縣西六十里古埠垸知縣陳敏政創建成  
化六年汪志重修

通仙橋 在縣西南八十里蒿口元時建相傳呂巖曾  
經此因名知縣呂文汪志胡璘皆重修弘治五年安

福義民劉佐遷建於白湖舖之前十四年知縣史華  
重修

永興橋 在縣東十五里成化六年知縣汪志修萬曆  
潛江縣志 卷之四 建置志 井 三

六年知縣朱熙洽重修  
利涉橋 在縣西南郊蕭公廟東廟祝艾剛募建成化

十五年知縣胡璘重修今廢  
廣濟橋 在縣西五里成化十年知縣胡璘創弘治十

二年水衝知縣史華重建  
普濟橋 在元妙觀左 王家橋 在雙家垸

南橋 在南門外通荊州 西橋 在西門外通荊門  
袁家橋 廖家橋 俱縣南坨埠垸通荊州

永涉橋 在縣西黃獐垸通安陸府



陶村橋 在縣西南傳爲江陵張太師遺石所造

邑人張承宇江陵張相遺石詩并序 邑有陶家村

有橋其石頗巨余怪問土人有老父攢眉太息曰此

水舊通荊州張相當國時治其塋墓載巨石連艘而

至忽沈一艘石不可起遂棄之水落石出鄉人取以

爲橋也不數年而相公死難作抔土且不可保矣嗟

乎相公爲政時姦豪斂手吾儕小人安堵無虞也噫

嘻我生晚不獲知相公長而聞眾論紛紛多不同怨

數相公罪恩稱相公功今觀老父色褒貶悉在中刑

潛江縣志

卷之四

建置志 橋梁

元

書鄭國政楊權韓子法昔也用此道火烈奏功捷賢

聞王孫裸愚笑桓魋擲夫何賢達士而爲世俗縛終

焉社稷臣雨露新復爵

張榮橋 在縣西栗林院 胡家橋 在縣西白泐院

津渡

東河渡 在縣通會門外一名乾河口

北關渡 在縣朝宗門外

排沙渡 在縣西北五里通景陵縣

策口渡 在縣東北十五里通安陸府



夜汊渡 在縣西南十五里通荆門州當陽縣

張巖港渡 在縣北三十里

竹根灘渡 在縣西北十五里

沙窩渡 在縣西北十里

趙家臺渡 在縣南十里通荊州府

橫隄渡 在縣西南

棠梨岡渡 在縣西南

新口渡 在縣西南五十里

周家磯渡 在縣西南二十里

潛江縣志

卷之四

建置志  
津渡

奈家口渡 在縣南十五里

梅家嘴渡 在縣南二十里

蓮花寺渡 在縣南二十里

許家口渡 在縣東五十五里

陽家場渡 在縣東十里

班灣渡 在縣東二十五里

潭口渡 在縣東二十里

總口渡 在縣東四十里

張要嘴渡 在縣南七十里



雨畢而除道水涸而成梁舊典也舟楫之利以濟不通因其成蹟隨時補苴所利大矣哉潛邑橋梁津渡有設自官者有作於民者據舊志書如右新建者附之

市鎮

長樂市 在縣西六十里

蚌湖市 在縣南五十里

祖師殿 即長壩四坑 在縣西六十里

深江站 在縣東十五里 牛潛江牛景陵

潛江縣志 卷之四 建置志 市鎮

大有市 在縣東十五里

拖船埠 在縣東南四十里 牛潛江牛沔陽

蓮花寺 在縣南三十里

康家場 在縣南三十里

竹根灘 在縣東北十五里

柴林灘 在縣東北十五里

張截港 在縣東北三十里 水路要衢

興隆鎮 在縣北十五里 即大策口水路要衢

蘆溪市 在縣北三十里 今廢



泗港 在縣西北四十里

趙林灘 一名朱家場在縣西北三十五里與泗港近

邊襄河水陸要衢

楊家場 在縣南十五里

龍灣 在縣南三里今廢

馬市潭 在縣南五里今廢

蒿口市 在縣南七十里 半潛江  
半江陵

張要嘴 在縣南五十里

了角廟 在縣南七十里

潛江縣志 建置志 卷之四 市鎮

王家場 在縣西三十里

新豐場 在縣西四十里

黃家灣 在縣西三十里

高家場 在縣南六十里

夜汊口 在縣西二十里水陸要衢

紅壁剝 在縣南五十里

罐頭尖 在縣西北三十里

排沙渡 在縣北五里水陸要衢

郭家場 在縣南三十里



周家磯 在縣南三十里

涂家場 在縣南十里

郭家嘴 在縣北五十里

彭家場 在縣西北五十里

毛家嶺 在縣北二十五里

陽家場 在縣東南十里

刁家廟 在縣東南十里

班灣市 在縣東南二十里

梅家嘴 在縣南二十里

潛江縣志 建置志 卷之四 市鎮

總口市 在縣東南四十里

化家溝 在縣南六十里

熊口市 在縣南四十里

王東港 在縣西六十里

兵防

武備廳 在縣治東教場周圍一百五十六丈天順五

年知縣呂文弼成化十六年知縣胡璘弘治八年典

史張京嘉靖十二年知縣周洪範俱重修萬曆二年

知縣李之珍左右各增一室設欄置守植柳築隄後



地漸窪下操場甚苦泥淖遷南門外今廳亦久廢  
國朝兵制

安陸府城守守備一員 把總一員

荆門州城守參將一員 守備一員

千總二員 把總四員

按潛江城守營兵始自康熙四年奉撥德安營兵五十名旋撥安陸營兵康熙六年奉撥荆門營千總一員把總一員三月一更著為令

塘汛 縣治後 乾河口 大策口興隆鎮 罐頭尖

潛江縣志

卷之四

建置志 兵防

三

張截港 長樂鎮 趙林灘朱家場 蚌湖市

夜汉口 趙家臺 周家磯 新豐市 張要嘴

論曰有文事者必有武備思患而豫防之兵衛之設所以固城圍禁暴亂也古者無事則驅之為農而力稼穡有事則調之為兵而任征戰寓軍政於菟苗獮狩之中秦漢發閭左選六郡唐府兵之法猶然宋懲五代之後分遣禁旅率一二年而更欲使往來道路足以習勞苦南北番戍足以均勞佚兵漸與農分矣潛舊隸荊州為歷代用武之地元明以前經制無考



舊志云縣無衛所而有民兵歲隙縣令督捕屬於演武廳訓練之兵壯原出編氓邏卒輪僉市井歷久視爲故事此斬揭之奸所爲竊笑曲徙之哲豫有隱憂者也嘉靖間猝有竊發知縣夏泗募集勇敢深隍峻堵厚饗而謹備之亦權宜之術非復經久良規也崇禎十七年闖賊李自成陷承天犯獻陵分遣僞將陳良寶攻破潛江土兵悉力捍禦死者無算蓋邑置民兵卽古鄉遂訓練之遺除他役外充捕卒者僅百餘手不閑矢石耳不諳鉦鼓一旦有萑苻之警奚恃以

潛江縣志

卷之四

建置志  
兵防

三

爲守乎有城無守與無城同爾今海內車書一統伏莽潛消於郡邑要害之地設防增鎮星羅碁布於境內安攘之策度越往代守之萬世可勿替也